

5

11.01.2022

KOMITETI SHTETËROR PËR KULTET

RAPORTI VJETOR
I PUNËS

Mintohet
Klodjon Basha



VITI 2021

Bulevardi Zogu I, Nd. 9, H. 4, Ap. 7, 1016, Tiranë; Tel +355042227131;
e-mail: komitetishk@kshk.gov.al

PËRMBAJTJA

PËRMBLEDHJE EKZEKUTIVE

KAPITULLI I

FAQE 3 - 6

- KUADRI LEGJISLATIV I SË DREJTËS SË LIRISË SË FESË E BESIMIT NË SHQIPËRI.
- KUADRI INSTITUCIONAL FETAR PËR VITIN 2021.
- KUADRI LIGJOR MBI TË CILIN BAZOHET VEPRIMTARIA E KSHK DHE ORGANIZIMI I TIJ.

KAPITULLI II

FAQE 7 - 8

- DREJTIMET KRYESORE PËR REALIZIMIN E OBJEKTIVAVE GJATË VITIT 2022

KAPITULLI III

FAQE 9 - 10

- PROJEKTI NR.3 I STUDIMIT: “MBI MARRËDHËNIET SHTET – FE NË NIVEL LOKAL”

KAPITULLI IV

FAQE 10 - 14

BUXHETI PËR VITIN 2021

- ZËRAT EKONOMIKË DHE REALIZIMET E TYRE.
- PROKURIMET PËR BLERJET E VOGLA.
- KONKLUZIONE

AKRONIME

- *ASHK* – Agjensia Shtetërore e Kadastrës
- *BF* – Bashkësi Fetare
- *KSHK* – Komiteti Shtetëror për Kultet
- *KMSH* – Komuniteti Mysliman i Shqipërisë
- *KOASH* – Kisha Ortodokse Autoqefale e Shqipërisë
- *KKSH* – Kisha Katolike në Shqipëri
- *KBB* – Kryegjyshata Botërore Bektashiane
- *VUSH* – Vëllazëria Ungjillore e Shqipërisë
- *MEPJ* – Ministria për Evropën dhe Punët e Jashtme
- *MSHMS* – Ministria e Shëndetësisë dhe Mbrojtjes Sociale
- *MASR* – Ministria e Arsimit dhe Sportit

KAPITULLI I

Komiteti Shtetëror për Kultet, si një institucion qendror, në varësi të Kryeministrit, vepron në bazë të VKM-së Nr. 459, datë 23.09.1999, i ndryshuar dhe, në ushtrimin e detyrës së tij, i nënshtrohet zbatimit të së drejtës kushtetuese të lirisë së fesë e besimit dhe të konventave ndërkombëtare të ratifikuara nga shteti shqiptar, në këtë fushë. Mbarëvajtja e institucionit është bërë e mundur në sajë të bashkëpunimit shumëpalësh me Bashkësitë fetare, me OJF-të me karakter fetar dhe me institucionet shtetërore në nivel qendror dhe vendor. Gjatë vitit 2021, veprimtaria e KSHK-së është udhëhequr nga legjislacioni në fuqi dhe nga Plani Buxhetor Afatmesëm 2020-2022, ku janë të përcaktuara qartë objektivat, drejtimet, mënyrat e realizimit të tyre, shoqëruar me shpenzimet përkatëse të alokuara. Institucioni është treguar i kujdesshëm që të forcojë klimën e respektit për besimin fetar në vend, si një faktor për fuqizimin e bashkëjetesës fetare tradicionale dhe si vlerësim për kontributin shoqëror - arsimor - shëndetësor të bashkësive dhe organizatave fetare në jetën shqiptare. Me një vëmendje të veçantë në sigurimin e së drejtës së besimit, duke i konsideruar fetë si kontribues dhe partnerë të fuqishëm në përhapjen e vlerave morale dhe zgjidhjen e problematikave sociale, KSHK është angazhuar totalisht për ngritjen e nivelit koordinues mes shtetit dhe feve.

➤ KUADRI LEGJISLATIV I SË DREJTËS SË LIRISË SË FESË E BESIMIT NË SHQIPËRI

Kushtetuta e Republikës së Shqipërisë, me nenet 10 dhe 24, garanton të drejtën e lirisë së besimit dhe siguron ndarjen dhe pavarësinë e shtetit nga feja. Në to shprehimisht thuhet:

Neni 10

1. Në Republikën e Shqipërisë nuk ka fe zyrtare. 2. Shteti është asnjëherë në çështjet e besimit e të ndërgjegjes dhe garanton lirinë e shprehjes së tyre në jetën publike. 3. Shteti njeh barazinë e bashkësive fetare. 4. Shteti dhe bashkësitë fetare respektojnë në mënyrë të ndërsjelltë pavarësinë e njëritjetrit dhe bashkëpunojnë në të mirë të secilit dhe të të gjithëve. 5. Marrëdhëniet ndërmjet shtetit dhe bashkësive fetare rregullohen mbi bazën e marrëveshjeve të lidhura ndërmjet përfaqësuesve të tyre dhe Këshillit të Ministrave. Këto marrëveshje ratifikohen në Kuvend. 6. Bashkësitë fetare janë persona juridikë. Ato kanë pavarësi në administrimin e pasurive të tyre sipas parimeve, rregullave dhe kanoneve të tyre, për sa nuk cenohen interesat e të tretëve.

Neni 24

1. Liria e ndërgjegjes dhe e fesë është e garantuar. 2. Secili është i lirë të zgjedhë ose të ndryshojë fenë ose bindjet, si dhe t'i shfaqë ato individualisht ose kolektivisht, në publik ose në jetën private, nëpërmjet kultit, arsimimit, praktikave ose kryerjes së riteve. 3. Askush nuk mund të detyrohet ose të ndalohet të marrë pjesë në një bashkësi fetare ose në praktikat e saj, si dhe të bëjë publike bindjet ose besimin e tij.

Njëkohësisht, ligjet mbështetëse në këtë fushë, rrisin efektivitetin dhe bëhen provë e fuqishme e zbatimit në jetë të këtyre të drejtave. Këtë e dëshmon panorama e larmishme fetare e vendit tonë,

ku ndërthuren fe dhe tradita fetare të ndryshme, dhe ku, krahas 5 komuniteteve kryesore fetare, të cilat kanë ratifikuar marrëveshje reciproke me Qeverinë Shqiptare, ushtrojnë misionin e tyre, edhe “besimet e vogla”, të përfaqësuara nga dhjetëra fondacione, organizata apo shoqata.

E drejta e lirisë apo besimit fetar, rrjedh gjithashtu, nga angazhimet në nivel ndërkombëtar, që shteti shqiptar ka pranuar dhe zbatuar. Shqipëria ka ratifikuar 9 traktate ndërkombëtare për të drejtat civile dhe politike, në respektimin, mbrojtjen dhe përmbushjen e të drejtës së fesë apo besimit krahas pjesëmarrjes dhe rolit të saj aktiv në Këshillin Evropian.

Rezultatet e arritura në këtë drejtim, janë bërë objekt i vlerësimit të lartë nga ana e organizmave ndërkombëtare të interesuar në këtë fushë. Këtë e dëshmojnë deklaratat nga takimet dhe raportet e ndryshme të përfaqësuesve ndërkombëtarë, ku evidencohet roli pozitiv dhe inkurajues i shtetit shqiptar për ushtrimin dhe mbrojtjen e lirisë së fesë apo besimit, dëshmi e të cilës është mungesa e rasteve të denoncuarra të diskriminimit për shkak të përkatësisë fetare apo e problemeve sistematike dhe thelbësore në këtë fushë, edhe gjatë vitit 2021.

Aktualisht, panorama multi – konfesionale shqiptare njihet 5 bashkësi fetare tradicionale dhe besime të tjera, relativisht të reja për realitetin tonë, që veprojnë në formën e shoqatave/organizmave me karakter humanitaro – fetar.

➤ *KUADRI INSTITUCIONAL FETAR PËR VITIN 2021*

Bashkësitë fetare si vijon: 1) Komuniteti Mysliman i Shqipërisë, 2) Kisha Ortodokse Autoqefale e Shqipërisë, 3) Kisha Katolike në Shqipëri, 4) Kryegjyshata Botërore Bektashiane dhe 5) Vëllazëria Ungjillore e Shqipërisë, kanë nënshkruar marrëveshjeve për marrëdhënie të ndërsjella me Këshillin e Ministrave. Këto të fundit që janë ratifikuar në parlament me ligjet përkatëse: Ligji nr. 8902, datë 23/05/2002, Ligji nr. 10056, datë 22/01/2009, Ligji nr. 10057, datë 22/01/2009, Ligji nr. 10058, datë 22/01/2009, ligji nr. 10394, datë 10/03/2011, vendosin kornizën ligjore mbi të cilën bazohen raportet mes shtetit dhe bashkësive fetare. Njëkohësisht ligjet e mësipërme, u krijojnë komuniteteve fetare, kushtet që të ushtrojnë lirisht të drejtën e tyre të besimit, edukimit fetar, aktiviteteve, shërbesave etj. Katër prej këtyre bashkësive, që prej vitit 2009 asistohen financiarisht nga shteti shqiptar për pagat dhe sigurimet shoqërore të punonjësve laikë të administratës dhe arsimit, në zbatim të ligjit Nr. 10140, datë 15.05.2009 “Për financimin nga buxheti i shtetit të bashkësive fetare, që kanë nënshkruar marrëveshje me Këshillin e Ministrave”. Për vitin 2021, për Komitetin Shtetëror për Kultet, shuma e akorduar nga Këshilli i Ministrave ishte në masën prej 113, 000,000 lekësh, e shpërndarë sipas VKM-së Nr. 244, datë 21.04.2021.

Krahas bashkësive fetare të sipërpërmendura, në Republikën e Shqipërisë ushtrojnë të drejtën kushtetuese të lirisë së fesë, edhe të cilësuarat “besime të vogla apo të reja” siç janë: Baha’i, Dëshmitarët e Jehovait, Kisha e Shenjtorëve të Ditëve të Mëvonshme, Xhemati Ahmaddya, e shumë të tjerë, që veprojnë nëpërmjet shoqatave/ organizatave/ fondacioneve me karakter humanitaro – fetar, të regjistruara në Gjykatën e Rrethit Gjyqësor, në zbatim të ligjit Nr. 8788, datë 07.05.2001, “Për Organizatat Jofitimprurëse”.

➤ **KUADRI LIGJOR MBI TË CILIN BAZOHET VEPRIMTARIA E KSHK DHE ORGANIZIMI I TIJ**

Komiteti Shtetëror për Kultet u krijua me Vendim të Këshillit të Ministrave Nr. 459, datë 23.09.1999 , “Për krijimin e Komitetit Shtetëror për Kultet”, si vazhde e Sekretariatit mbi fenë dhe shprehje e qartë e ndjeshmërisë që qeveria shqiptare tregon për rolin e fesë në shoqëri. Vendimi i sipërpërmendur u pasua me ndryshime në varësinë dhe organikën e KSHK-së, si vijon: me VKM-në Nr. 128, datë 11.03.2004, me VKM Nr. 666, datë 26.10.2005, me VKM Nr. 777, datë 14.12.2005, me VKM Nr. 344, datë 07.06.2006, me Urdhrin Nr. 186, datë 03.08.2006, me VKM 1029, datë 27.11.2003 dhe me VKM Nr. 602, datë 10.09.2014, pa ndryshuar natyrën e tij si hallkë rregullatore mes Shtetit dhe feve.

Komiteti Shtetëror për Kultet ka si funksion kryesor: *“Krijimin e Komitetit Shtetëror për Kultet për të ndihmuar në krijimin, ndryshimin dhe shuarjen e marrëdhënieve ndërmjet shtetit dhe bashkësive fetare, që kanë objekt dhe ndjekin qëllime besimi dhe ndërgjegje, sipas ligjit në Republikën e Shqipërisë”*.

Ky institucion synon dhe ka si përparësi të veprimtarisë së vet, punën për:

- Zbatimin e detyrimeve kushtetuese;
- Plotësimin e kuadrit ligjor mbi marrëdhëniet e shtetit me fenë;
- Zbutjen dhe shuarjen e konflikteve që mund të çenojnë harmoninë ndërfaqetare në vend.

Përgjegjësitë kryesore të KSHK-së mund të përmbliken si vijon:

- Bashkërendimin e marrëdhënieve me komunitetet fetare, shoqatat, fondacionet fetare ose humanitare-fetare;
- Garantimin e lirisë së besimit dhe për zhvillimin, bashkëpunimin, mirëkuptimin dhe tolerancën ndërfaqetare në Shqipëri, duke qenë asnjnjës në çështjet e besimit dhe duke njohur barazinë e bashkësive fetare dhe respektuar pavarësinë e tyre;
- Shprehjen e mendimit të tij Ministrisë së Arsimit dhe Shkencës, lidhur me planin mësimor, programet dhe tekstet e pjesës jolaike, për kërkesat e paraqitura për hapjen e institucioneve arsimore jopublike, institucioneve arsimore plotësuese jopublike, ku zhvillohen lëndë fetare dhe në bashkëpunim me atë institucion, në varësi të ndarjes administrative territoriale, të interesave të përbashkëta ekonomike dhe të traditës historike e fetare;
- Interesimin për ruajtjen e vlerave të objekteve të kultit në bashkëpunim me Institutin e Monumenteve të Kulturës¹ dhe me komunitetet fetare;
- Paraqitjen e mendimit të tij Ministrisë së Financave, lidhur me hyrjen në territorin e Republikës së Shqipërisë të mallrave me karakter fetar për komunitetet fetare dhe për përjashtimin e tyre nga taksa doganore, në përputhje me ligjet në fuqi;
- Vendosjen dhe forcimin e bashkëpunimit me institucionet homologe të vendeve të tjera e të diasporës, në funksion të promovimit të bashkëjetesës fetare në vend.


¹ Aktualisht, Instituti Kombëtar i Trashëgimisë Kulturore – bashkim i Institutit të Monumenteve të Kulturës dhe Agjencisë së Shërbimit Arkeologjik. IKTK – me ligjin 27/2018 “Për trashëgiminë kulturore dhe muzetë”.

ORGANIZIMI I KSHK-SË

Në bazë të VKM –së Nr. 602, datë 10.09.2014, Komiteti Shtetëror për Kultet funksionon si një trup i vetëm, në përbërjen e të cilit përfshihen:

1 Kryetar, 5 Anëtarë, 3 Specialistë dhe një punonjës mbështetës.

ORGANIGRAMA



Përveç detyrave të paraqitura në organigramën e mësipërme, Kryetari i KSHK-së bën ndarje detyrash sipas përgjegjësive dhe nevojave institucionale, në përmbushje të detyrimeve ligjore. Titullari, për shkak të organikës së thjeshtuar, edhe gjatë vitit 2021, ka qenë përgjegjës për ndjekjen e plotësisimit të objektivave specifike për secilin punonjës dhe ka bërë vlerësimin e performancës për ta, gjatë gjithë harkut kohor të vitit 2021. Ky proces i nështrohet legjislacionit në fuqi për administratën publike dhe menaxhimin e kontrollin financiar në njësitë qendrore publike. Struktura e thjeshtë organike krijon kushtet për një kontroll të brendshëm efikas dhe të vazhdueshëm, gjë që ndikon pozitivisht në ritmet e punës së KSHK-së dhe në mungesën e humbjeve kohore që mund të shkaktoheshin nga burokracia brenda institucionit.

KAPITULLI II

DREJTIMET KRYESORE PËR REALIZIMIN E OBJEKTIVAVE GJATË VITIT 2021

Komiteti Shtetëror për Kultet funksionon në zbatim të VKM-së nr. 459, datë 23.09.1999, i ndryshuar me VKM nr. 128, datë 11.03.2004. Pika 1, që shprehimisht thotë: “...*krijimin e KSHK për të ndihmuar në krijimin, ndryshimin dhe shuarjen e marrëdhënieve ndërmjet shtetit dhe bashkësive fetare, që kanë objekt dhe ndjekin qëllime besimi dhe ndërgjegje, sipas ligjit në Republikën e Shqipërisë* ...”, përcakton rolin kryesor të tij.

Viti 2021 ka qenë vit i ri-afirmimit të rolit bashkërendues të KSHK-së, mes shtetit dhe organizmave fetarë. Kjo është realizuar duke u udhëhequr nga parimet e ligjit themeltar të shtetit, Kushtetutës së Republikës së Shqipërisë, që me nenet 10 dhe 24 garanton të drejtën e lirisë së fesë e besimit, si dhe të legjislacionit në fuqi mbi fenë dhe organizmat fetarë.

Komiteti Shtetëror për Kultet, si çdo institucion i administratës shtetërore, i paracakton vetes objektiva afatmesëm e afatshkurtër, për përmbushjen e misionit të tij. Këto objektiva reflektohen dhe dokumentohen në Programin Buxhetor Afatmesëm, në Planin Vjetor të Punës dhe në planet specifike të punonjësve, të cilat përpilohen nga vetë titullari. Për shkak të situatave të kushtëzuara nga pandemia për Covid 19, institucioni përshtati planin vjetor të punës në mënyrë që objektivat të realizoheshin, edhe pse në kushte shtrënguese. Kalendarit i aktiviteteve të parashikuara për t’u zhvilluar gjatë vitit 2021, brenda dhe jashtë vendit, u reduktua për t’iu përmbajtur normave anticovid dhe për t’iu përshtatur kufizimeve të caktuara nga shtete e ndryshme. Gjithë aktivitetet e parashikuara dhe konkorduar me organizmat ndërkombëtarë që trajtojnë të drejtat e njeriut dhe lirinë e besimit e fesë, si: OSBE – ODHIR, Departamenti Amerikan i Shtetit etj., apo me ente të huaja qendrore/lokale të interesuara për promovimin e harmonisë fetare shqiptare, që do të organizoheshin jashtë vendit, nuk u zhvilluan, ose vetëm një pjesë shumë e vogël e tyre online. Kjo u reflektua edhe në mospërdorimin e fondeve, të cilat ishin alokuar për aktivitetet përkatëse, dhe që trajtohen në kapitullin përkatës në vijim.

Në zbatim të detyrës së tij ligjore të shprehur në pikën 2/2 dhe 2/5 të VKM –së nr. 459, datë 23/09/1999, “Për krijimin e KSHK”, shprehimisht: “*Negocion për përgatitjen e marrëveshjeve ndërmjet përfaqësuesve të bashkësive fetare dhe Këshillit të Ministrave*” dhe “*Bashkëpunon me bashkësitë fetare për përgatitjen e projektligjeve dhe akteve nënligjore, që kanë të bëjnë me kultet fetare*”, institucioni, gjatë vitit 2021, është përqendruar në përgatitjen e propozimeve nënligjore që lidhen me problematika të ndryshme të bashkësive fetare.

Duke patur parasysh kërkesat e bashkësive fetare për rishikim të ligjeve nr. 10056, nr. 10057 dhe nr. 10058, datë 22/01/2009, Komiteti Shtetëror për Kultet është aktivizuar për plotësimin e kësaj detyre ligjore. Marrëveshjet e nënshkruara mes Këshillit të Ministrave dhe bashkësive fetare i përkasin një periudhe të para disa vjetëve, ku nevojat e këtyre të fundit ishin të tjera krahasuar me ditët e sotme. Përveç kësaj, duke qënë se disa aspekte juridiko – fiskale të këtyre marrëveshjeve paraqesin paqartësi në zbatim nga institucionet shtetërore, rishikimi bëhet i

domosdoshëm. Për këtë qëllim, gjatë vitit 2021, janë zhvilluar takime konsultuese (direkte ose online) me bashkësitë fetare, duke i konsideruar si palët e interesit. Në këto takime është mbledhur informacion mbi kërkesat/propozimet e bashkësive fetare dhe pritet të zhvillohen bisedime të tjera për këto çështje.

Në zbatim të ligjit nr. 10140, datë 15/05/2009, “Për financimin nga buxheti i shtetit të bashkësive fetare që kanë nënshkruar marrëveshje me Këshillin e Ministrave”, gjatë vitit 2021, janë shqyrtuar kërkesat e paraqitura prej bashkësive fetare. Gjithashtu, është përpiluar propozimi i aktit nënligjor dhe përllëgaritur e lëvruar shpërndarja mes tyre, e buxhetit prej 113,000,000 lekësh, pasqyruar në VKM nr. 244, datë 21.04.2021.

Gjithashtu, Komiteti Shtetëror për Kultet ka zhvilluar, në mënyrë periodike e të vazhdueshme, takime me përfaqësues të komuniteteve fetare dhe ka ndjekur një sërë aktiviteteve, konferencash, seminaresh e simpoziumesh shkencore (direkt ose online) të organizuara prej tyre në vend, si:

- a) në takimin e fushatës ndërgjegjësuese dhe të informimit publik për situatën e krijuar nga Covid-19, organizuar nga Ministria e Shëndetësisë dhe Mbrojtjes Sociale, lidhur me aktivitetet e besimeve fetare;
- b) në konferencën shkencore për 30-vjetorin e rihapjes së Kryegjyshitës Botërore Bektashiane; dhe
- c) në pelegrinazhe e panairë, në Manastirin e Shën Joan Pararendësit në Voskopojë, në Manastirin e Shën Kozmait në Fier, në Manastirin e Zvërnecit, etj;
- d) në pelegrinazhin në përkujtim të 100-vjetorit të Kongresit të Parë Bektashian;
- e) në projektin “Angazhimi i të rinjve për ndërtimin e një komuniteti të qëndrueshëm” për parandalimin e radikalizmit dhe ekstremizmit të dhunshëm;
- f) në takimin konsultativ me përfaqësues të institucioneve shqiptare, akademikë, përfaqësues të medias e shoqërisë civile, për të diskutuar për të ashtuquajturat krime okulte, qasjes që duhet patur për të parandaluar krime të tilla, si dhe nevojën e ndryshimeve organizative dhe ligjore për trajtimin dhe parandalimin e ngjarjeve me pasoja të rënda për jetën dhe shëndetin e qytetarëve;
- g) në konferencën e Edukimit Katolik në Shqipëri mbi rrugëtimin shkollor e edukues të fëmijëve, bazuar në vlera njerëzore dhe të vëllazërisë;
- h) në konferencat “Rimendimi i tolerancës fetare mes partnerëve të Ballkanit Perëndimor” dhe “Drejt një dialogu më të madh ndërkulturor, ndërbesimtar dhe ndërfetar në Ballkanin Perëndimor” organizuar nga Komiteti Shqiptar i Helsinkit;
- i) në promovimin e albumit fotografik “Haxhi Dede Reshat Bardhi 1935-2011”, botim i Selisë së Shenjtë Bektashiane;
- j) në konferencën vjetore të Avokatit të Popullit 2021, etj. me qëllim rolin e rëndësishëm të marrëdhënieve shtet-fe dhe forcimin e mëtejshëm të harmonisë ndërfetare; etj.

KAPITULLI III

PROJEKTI NR. 3 I STUDIMIT: “MBI MARRËDHËNIET SHTET – FE NË NIVEL LOKAL”

Projekti studimor me temë: “*Marrëdhëniet shtet – fe në nivel lokal*”, u ndërmorr me iniciativën e Komitetit Shtetëror për Kultet, nisur nga indiciet e mbledhura në takimet e shumta me përfaqësues të ndryshëm lokalë. Një studim i tillë që bëhet për herë të parë në vendin tonë, drejtohet nga një institucion shtetëror dhe synon të pasqyrojë gjendjen aktuale të marrëdhënieve, pa asnjë influencë me karakter politik apo fetar. Parë në këndvështrimin e menaxhimit territorial, qëllimi i këtij projekti është nxitja dhe forcimi i bashkëpunimit mes aktorëve të ndryshëm shoqërorë, qofshin ata shtetërorë apo fetarë, për zgjidhjen e plagëve sociale, për mbështetjen e të rinjve në nismat për një perspektivë optimiste jete, për ruajtjen dhe promovimin e vlerave historike të bashkëjetesës fetare. Në këtë projekt, ku protagonistë janë përfaqësuesit e sipërpërmendur, pasqyrohen problematikat me të cilat përballen ata në realitetin lokal, përcillen shqetësimet dhe dëshirat për një përmirësim të situatës ndër-relacionale. Përveç kësaj, ky projekt reflekton shkallën e njohurive legjislative dhe informacionit në fushën e fesë, si nga përfaqësuesit shtetërorë, ashtu edhe nga ata fetarë, me qëllimin final të mirëinformimit të tyre. Kjo për të siguruar e garantuar ushtrimin e së drejtës së fesë e besimit, si një e drejtë universale, themelore, njerëzore.

Për vitin 2021, projekti u fokusua në Shqipërinë e Mesme, përkatësisht në qarqet: Durrës, Elbasan, Fier dhe Tiranë. Ai është zhvilluar nëpërmjet një rrjeti kapilar, që ka përfshirë ndarjet administrative nga më të mëdhatë (qarqet, bashkitë, prefekturat) tek më të voglat (njësitë administrative, etj.), për të patur një pasqyrë reale të marrëdhënieve shtet – fe në nivel lokal. Praktikisht, këtij projekti iu nënshtruan përfaqësuesit vendorë shtetërorë dhe fetarë të 4 Qarqeve, 21 bashkive dhe të 137 njësive administrative. Nëpërmjet intervistave direkte, “face - to - face”, të strukturuar dhe semi - strukturuar, atyre iu paraqitën pyetsorë të përgatitur paraprakisht me rigozitet nga stafi i Komitetit Shtetëror për Kultet dhe u mblodhën informacione të vlefshme. Intervistat e semi – strukturuar u pasuruan me komente të lira nga të intervistuarit, të cilat janë përfshirë në vlerësimet e KSHK-së.

Duke iu përmbajtur idesë themelore mbi të cilën Komiteti Shtetëror për Kultet inicioi Projektin mbi marrëdhëniet mes shtetit dhe feve në nivel lokal, projekti i këtij viti pësoi disa ndryshime të lehta, nga i kaluari. Sigurisht, linja përçuese e pyetsorëve nuk u prek. Ndryshimet, në formën e disa shtesave, u diktuan nga nevoja që pyetsori të ishte sa më i kuptueshëm, pasi mungesa e tyre mund të krijonte mosdhënie shpjegimesh nga të intervistuarit. Qëllimi kryesor ishte marrja e informacionit sa më i saktë e sa më i detajuar, duke patur parasysh karakteristikat e panoramës fetare të zonave të Shqipërisë së Mesme.

Nga informacionet e mbledhura, pak a shumë në të njëjtin nivel me ato të dy viteve të mëparshme (në Shqipërinë e Veriut dhe të Jugut), rezultoi se ka një mungesë të theksuar njohurish legjislative në fushën e fesë nga të gjitha palët, porse ekziston një nivel i kënaqshëm

bashkëpunimi në nivel lokal mes aktorëve të ndryshëm. KSHK do të mobilizohet të jetë më e pranishme në këto nivele, duke u mbështetur në burimet lokale si pika referimi.

Viti 2021 do të ishte viti i fundit i Projektit, por për arsye të pandemisë dhe të mungesës së Titullarit, përfundimi i tij është parashikuar në fillim të vitit 2022. Pas analizës së tre zonave të Shqipërisë (Shqipërisë së Veriut, së Jugut dhe të Mesme), projekti do të finalizohet me publikimin e një doracakut/manuali informues, në të cilin do të jepen të dhëna të rëndësishme për marrëdhëniet shtet-fe në nivel lokal, përgjatë kësaj periudhe. Gjithashtu, në këtë dokument do të përfshihen: Kushtetuta e Shqipërisë, Marëveshjet e nënshkuara me Bashkësitë Fetare, ligji për OJF-të, baza ligjore e Komitetit Shtetëror për Kultet, legjislacione të tjera që kanë të bëjnë me çështjet fetare, etj. çka do të kontribuojë në një njohje më të mirë të legjislacionit dhe të institucioneve, si dhe në forcimin e mëtejshëm të marrëdhënieve ndërinstitucionale.

Rritja e njohurive të aktorëve lokalë me legjislacionin në fuqi mbi fenë, ndërgjegjësimi i qeverisjes lokale mbi rolin kontributiv të bashkësive/shoqatave fetare dhe Komitetit Shtetëror për Kultet, si dhe nxitja e bashkëpunimit ndërmjet tyre, do të jenë qëllime thelbësore e të rëndësishme të punës së KSHK-së.

KAPITULLI IV

BUXHETI PËR VITIN 2021

Komiteti Shtetëror për Kultet është një institucion shtetëror dhe si i tillë, i nënshtrohet legjislacionit në fuqi për administratën publike. Duke qenë një institucion buxhetor dhe duke përfunduar fonde nga buxheti i shtetit, ai harton politikat e tij në linjë me politikat qeveritare mbi fenë, duke i alokuar fondet përkatëse për realizimin e objektivave të parashikuara.

Për këtë qëllim dhe në zbatim të Ligjit nr. 9936, datë 26.6.2008 “Për Menaxhimin e Sistemit Buxhetor në Republikën e Shqipërisë”, i ndryshuar, ligjit nr. 137, datë 16.12.2020 “Për Buxhetin e vitit 2021”, Udhëzimit Nr. 9, datë 20.03.2018, “Për procedurat standarde të zbatimit të buxhetit”, i ndryshuar, dhe Udhëzimit plotësues nr. 4, datë 25.01.2021, “Për zbatimin e buxhetit të vitit 2021”, të gjithë komponentët e PBA 2022-2024 janë hartuar që të harmonizojnë politikat/objektivat e Komitetit Shtetëror për Kultet, me shpërndarjen buxhetore për realizimin e tyre.

ZËRAT EKONOMIKË DHE REALIZIMI I TYRE

Në zbatim të politikës së programit “Mbështetje për Kultet Fetare” si një mjet për garantimin e një mjedisi ku, çdo bashkësi fetare, të shprehë dhe të praktikojë lirisht të drejtën kushtetuese të besimit dhe duke iu përmbajtur tavaneve buxhetore të miratuara me VKM-në nr. 240, datë 22.07.2021 “Për miratimin e tavaneve përfundimtare të shpenzimeve të programit buxhetor

afatmesëm 2022-2024” është bërë shpërndarja e fondeve buxhetore sipas artikujve ekonomikë, për secilin produkt.² Përdorimi i fondeve buxhetore e detyron institucionin të zbatojë me përpikmëri ligjin Nr.10296, datë 08.07.2010, “Për menaxhimin financiar dhe kontrollin”, i ndryshuar, duke monitoruar vazhdimisht gjatë harkut vjetor, përputhshmërinë e shpenzimeve institucionale me shkallën e realizimit të objektivave. Treguesit e performancës janë përdorur si mjet matës i pozicionimit të KSHK-së. Në plotësimin e objektivave të pasqyruara në PBA-në e sipërpërmendur, duke përdorur me efikasitet dhe eficiency burimet financiare dhe njerëzore, Grupi i Menaxhimit Strategjik, ka ndjekur hap pas hapi, ecurinë e realizimit të objektivave dhe përdorimin e fondeve përkatëse të destinuara për to, duke dhënë rekomandimet e rastit, duke korrigjuar dhe rialokuar fondet dhe duke ndërhyrë, në rast mangësish, për të realizuar arritjen e objektivave.

Gjatë vitit 2021, në vijim të situatës së pandemisë, një pjesë e fondeve të parashikuara për aktivitetet brenda dhe jashtë vendit, nuk janë përdorur; kjo, dhe për arsye të mungesës së Titullarit të institucionit.

Tabela nr. 1 e shpenzimeve të miratuara për vitin 2021.

(sipas ligjit nr. 137, datë 16.12.2020)


EMËRTIMI I PROGRAMIT	TOTALI I SHPENZIMEVE KORRENTE (MIJË LEKË)					TOTALI I SHPENZIMEVE KAPITALE (MIJË LEKË)	TOTALI I SHPENZIMEVE BUXHETORE (MIJË LEKË)
	PERSONELI		TOTALI I SHPENZIMEVE				
	600	601	604	602	606		
	12,255	113,000	8,245	100			
MBËSHTETJE PËR KULTET	133.600					1000	134.600

² Pasqyruar në tabelën nr. 1 dhe 2

**Tabela Nr. 2 e shpërndarjes sipas zërave ekonomikë,
për vitin 2021.**

SHPENZIME PERSONELI (Lekë)	PLANI VJETOR (Mijë Lekë)	REALIZIMI VJETOR (Mijë Lekë)	PËRQINDJA (%)
Zëri ekonomik 600 (PAGAT)	10,512	9,954	94.6%
Zëri ekonomik 601 (SIGURIMET SHËND. dhe SHOQ.)	1,743	1,649	94.6%
Zëri ekonomik 602 (MALLRA dhe SHËRBIME)	8,245	1,328	16%
Zëri ekonomik 604 (TRANSFERTA me të TRETË)	113,000	113,000	100%
Zëri ekonomik 606 (Transfera tek individë)	100	0	0
Zëri ekonomik 231 (INVESTIME)	1000	0	0

**GRAFIKU I REALIZIMIT TË ZËRAVE EKONOMIKË
për vitet 2021/2020**



GRAFIKU KRAHASUES I REALIZIMIT NË (%)

për vitet 2021/2020




TABELA E REALIZIMIT TË PROKURIMEVE

ME BLERJE TË VOGËL

Nr	Objekti i Prokurimit	Fondi Limit	Lloji i Procedurës së Prokurimit	Vlera e kontratës	Data e zhvillimit të procedurës së prokurimit	Operatori Ekonomik i shpallur fitues	NIPT i Operatorit Ekonomik
1	ABONIMI VJETOR NË SHTYPIN VENDAS	100,000		82,050	22.01.2021	"Agjensia e Abonimit te Shtypit"	K31517010H
2	BLERJE KANCELARIE	100000.00		67,317	17.11.2021	ONIS	K01312004V
3	BLERJE TONER PER PRINTER DHE FOTOKOPJE	100,000		54,118	02.06.2021	InfoSoft Office	J62426002Q

4	MATERIALE PASTRIMI, DIZINFEKTIMI DHE MJETE MBROJTESE NGA COVID	208,333	Small value	19,900	23.03.2021	I&V Company	M01809026H
5	MIREMBAJTJE/RIPARIME TE AUTOMJETIT TE INSTITUCIONIT	100,000		99,167	07.12.2021	VOL-AL Service	K91313048D
6	PRITJE PERCJELLJE	100,000		93,333	28.12.2021	The Plaza Tirana	L51930016U
7	SHERBIME MIREMBAJTJE PAJISJE ZYRE	100,000		15,000	11.06.2021	BNT Electronics	J61817047D
8	SHERBIME PASTRIMI ZYRAT E KSHK	250,000	Small value	175,900	14.01.2021	Pastrime Silvio	K91413010N
9	SHERBIME PRINTIMI	100,000		15,000	01.12.2021	Ermir Petanaj	K71616042A
10	SHPENZIME TE TJERA TRANSPORTI	100,000		10,500	04.11.2021	Xhovan Gjini	L71806046M
11	SIGURIMI I MJETIT TE TRANSPORTIT	100,000		27,127	09.12.2021	Eurosig Sh.a.	K41926801W

KONKLUZIONE

Viti 2021 ka shënuar vazhdimësinë e misionit institucional të KSHK-së. Megjithë vështirësitë e krijuara nga pandemia, që kanë ndikuar direkt në mënyrën e punës që lidhet drejtpërdrejt me natyrën e veçantë të institucionit, objektivat janë realizuar në nivel të kënaqshëm. Fillimisht, gatishmëria e shprehur nga bashkësitë/shoqatat fetare në zbatimin e normave antikovid dhe rritjen e ndërgjegjësimit në radhët e besimtarëve, në mbrojtje të shëndetit publik, ishte shprehje e besimit të tyre në strukturat shtetërore dhe e gatishmërisë për bashkëpunim. Projekti i ndërmarrë nga institucioni për të rritur ndjeshmërinë ndaj problemeve sociale dhe për të forcuar bashkëpunimin shtet – fe në nivel, është bërë dhe duhet të vazhdojë të bëhet shtysë për shtim vëmendjeje dhe përmirësim komunikimi nga ana e KSHK.

Për vitin 2022, eficienta institucionale duhet forcuar nëpërmjet rritjes së iniciativës në ndërmarrjen e veprimeve që përmbledhen në mision ligjor të tij, në thellimin e bashkëpunimit me institucionet e tjera qendrore dhe vendore dhe në zgjerimin e promovimit ndërkombëtar të harmonisë fetare në vend.